



Kamis, 24 Juni 2022

Ogen: Lukas 15:11-32



PENTAR MAKEKEN SI LIT



Manusia ibere Dibata kepentaren. Manusia erdahin dingen ngenanami ulih pendahinna. Ulih pendahin si ialoken manusia labo seri. Banci radu nuan kol, alu belang taneh si seri, beliganna pe la silebihen tapi alu paksa ras waktuna rani ras erga idayaken banci saja la seri. Alu bage ulih si ialoken ras siman pakenken pe labo banci seri. Amin seri pe buena kinilitenta, banci saja labo seri cara makesa rikutken keperluan tep-tep jelma. Tentuna enda banci jadi sabab la seri caranta guna ngelola erta si lit, la seri perayaken tep-tep jelma rikutken konsep kegeluhen secara pribadi.

Bagenda me ituriken rikutken renungenta paksa enda.

- Kai siilakoken anak singuda enda mpeturah ceda ate sekalak bapa. La ngasup anak singuda ngergai kegeluhen ibas keluagana, penatan ras pengaturen bapana kerna kegeluhen ras keperlunna. Lit perayakenna jine si mabai ia 'bene' . Terdauhen la saja hubungenna ras bapana si ceda tapi pe ras seninana, amin ibas dampar sideban la ngasup seninana ngaloken ia ibas perbahanenna si nai.
- Kepeken anak sintua pe la ia ngasup makeken si lit alu mehuli, adi anak singuda ngkeriken, anak sintua la pentar makekenca guna ngenanami geluhna paksa e. Erdahin saja ras kenungenna mpeturah cian ate nandangi agina si ibere bapana kehagan erkiteken enggo mulih ku rumah.

Bagenda me kinata kegeluhen, adi la pentar makeken silit. Arusna ermalem ate me anak-anak e ibas erta kebayaken orangtuana, sikeleng-kelengen, si sampaten selaku si ersenina ras erorangtua. Rugi kal dikune kejadiin bagi perumpaman Jesus e jadi ibas geluhna, kepeken duana labo payo ras labo man usihen. Erlajarah kita arah erbage 'kisah hidup' si isekelewetta, janah reh pentarna kita.